

中國民族志

十七



序

意人馬志尼之言曰凡同一人種風俗語言者即可組織一國斯語也殆民族主義之定論乎民族者由同血統之家族化合不同血統之異族而成一團體者也人羣之初無不因天性之發達而謀團結之方始也謀一族之安寧繼也謀一羣之幸福至於謀一羣之幸福則羣力之擴張益廣不得不有害於他羣此民族競爭所由起也有民族之競爭然後有排外之思想吾中國之排外何如乎士大夫之所倡者不曰明華夏之防則曰定中外之界其民族思想豈他國所能及哉然自吾觀之中國之強非中國之自強也曰惟民族思想故中國之弱亦非中國之自弱也曰惟民族思想當三代之時異族雜處故聖賢垂訓以攘狄爲不世之功後世漸摩濡染攘外之說深中民心而君上之雄鷙者遂因此而張其撻伐於秦則有長城之築於漢則

有朔方之城於唐則有四鎮之建因權力之擴張而行開邊之
政略謂非民族思想啟之哉及承平日久外患漸消驕慢之志
成自尊之心啟不曰王者無外則曰一統之尊稱己國則曰中
華稱鄰國則曰夷狄一以啟輕敵之心一以阻交通之進步此
歐人東漸以來中國所以不振也嗚呼三代以還豈無異族侵
凌之禍然定鼎中原以後則又諱其本原之舊族以自託於中
華而轉目鄰邦爲夷狄不可謂非壓制漢族之策也因漢族排
外之思想而善用之其陰賊爲何如哉此吾所以爲漢族悲也
吾觀歐洲當十九世紀之時爲民族主義時代希臘離土而建
邦意人排奧而立國卽愛爾蘭之屬英者今且起而爭自治之
權矣吾漢族之民其亦知之否耶作民族志

論本書大旨

此編之意以漢族爲主而以他族爲客撮其要旨厥有三端

一漢族界線之擴張 支那本部爲漢族固有版圖其拓土本部外者爲擴張界線秦築長城開陸梁漢武通西域逐匈奴開西南夷滅朝鮮閩越是爲漢族擴張界線第一期東漢破北匈奴取伊吾盧征西域取哀牢是爲漢族擴張界線第二期隋代南征林邑東伐高麗唐代繼之平突厥置西域四鎮是爲漢族擴張界線第三期明征漢北取安南降吐魯番哈密是爲漢族擴張界線第四期雖然漢族之擴張非知殖民之政略也非由國民之公意也不過由君主好大喜功之欲耳故版圖有一次之擴張即有一次之削小此不得不歸咎於專制之政矣若夫北魏蒙古滿清之恢拓版圖與漢族無涉茲從略焉

二異族勢力之侵入 周幽王時西戎東夷交侵中國及春秋

時鮮虞擁甲於北陲義渠跳梁於西土百濮南侵淮夷東逼是爲異族侵入第一期東漢季年邊備漸弛羌胡內遷鮮卑保塞加以晉室不綱五胡肇亂江淮以北悉爲戎虜爭競之場其旣也復有拓跋氏之憑陵是爲異族侵入第二期自晉割燕雲而通古斯族構亂自唐徙黨項而西藏族窺邊遼夏乘之於前金元繼之於後漢族版圖永淪異域是爲異族侵入第三期明代中衰曼珠竊發復乘明季之亂入主中華久假不歸烏知非有是爲異族侵入第四期滿清不振西人東漸支那本部悉爲歐洲勢力範圍瓜分慘禍將不旋踵是爲異族侵入第五期要而論之有一次異族之侵陵即有一次漢族之光復漢族亦世界之偉大民族哉世有朱元璋其人乎吾不禁拭目俟之矣若夫外族之患僅中於一隅未嘗蔓延於四境者茲亦從略

三漢族與異族之混合

當黃帝以前漢族亦處客民之地位

厥後遂爲本部之主族而民族混合之原因遂基於此吾觀秦漢之時衡嶽以南苗民窟宅巴蜀之側羌族薦居閱時未久風俗刑政卒與漢族相融

此猶北美民族見化於西人

非異族爲主漢族爲客

者乎若夫戎狄蠻夷之於周胡羯氏羌之於晉以客族之民宅中邦之士即北魏金元各族亦棄固有之禮或采漢族之文明非漢族爲主異族爲客者乎吾觀異族入中華之後或入仕於大廷或側身於軍旅民族混合是其濫觴予故曰中國民族之複雜久矣豈仍純全之漢族哉

以上三端皆本書要旨所寄閱者於此注意庶可以得此書之深意矣

目錄

第一章

亞東民族述略及漢族之起原

第二章

漢族之擴張及與苗族之關係

第三章

夏殷之形勢及西周與異族之關係

第四章

春秋時異族之盛衰

第五章

戰國時異族之盛衰

第六章

秦之一統及與匈奴之關係

第七章

西漢與異族之關係

第八章

東漢之興及異族之漸入

第九章

五胡侵入時代

第十章

通古斯族之割據

第十一章

隋唐與異族之關係

第十二章

唐末異族之侵入

第十三章 五代宋異族之侵入

第十四章 蒙古族之內侵

第十五章 明人之光復及與異族之關係

第十六章 滿族之內侵及漢族之謀光復

第十七章 各省民族述略

第十八章 白種之侵入

中國民族志

儀徵劉師培申叔

第一章 亞東民族述略及漢族之起原

覽四百州之山河溯三千年之歷史於川有黃河長江之深於山有崑崙太華之峻風土清嘉人物繁萃非吾漢族宅居之壤乎然漢族雖以中土爲宅居勢不得不與他族生關係茲特舉日本桑原氏東洋史要之說如左

亞細亞人種約別爲二種曰西伯利人種曰支那人種是也支那人種蔓延於支那本部西藏及後印度一帶地方更詳別爲三族曰漢族曰西藏族曰交趾支那族

第一漢族東洋史上尤要之人種也大抵據支那本部此族在上古時似自西方移居內地栖息黃河沿岸而次第蕃殖於四方古來司東亞文化之木鐸者實推此族

第二西藏族自西藏蔓延克什米爾泥波爾及緬甸一帶地方殷周時之氐羌秦漢時之月氏唐之吐蕃南宋之西夏等皆屬此族

第三交趾支那族自支那西南部即雲貴諸省而蔓延於安南暹羅等諸國此族在古代似占據支那本部而爲漢族漸次驅除者周以前之苗民荆蠻唐之南詔皆屬此族

西伯利人種者自東方亞細亞北部蕃殖北方亞細亞一帶今更詳別之就中舉其大要者凡四族曰日本族通古斯族蒙古族土耳其族是也

第四日本族自朝鮮半島之南而蕃殖於日本朝鮮之韓族屬之

第五通古斯族自朝鮮北部經滿洲而蔓延於黑龍江附近地秦漢時之東胡漢以後之鮮卑隋唐時之靺鞨唐末之契

丹宋之女真等皆屬此族今之清朝亦由此族而興以統一支那

第六蒙古族原蕃殖於西伯利亞之貝加爾湖東邊一帶地方其後次第南下今日乃自內外蒙古蔓延天山北路一帶地方元朝從此而起殆將統一世界印度莫臥兒帝國亦此族所建

第七土耳其族原蕃殖於內外蒙古之地後漸西移今日則自天山南路凡中亞細亞一帶多爲此族佔據周以前之獯鬻玁狁漢之匈奴南北朝之柔然隋之突厥唐之回紇等皆屬此族今歐洲之土耳其帝國亦此族所建其於東洋史中亦屬重要人種殆次漢族而與通古斯蒙古二族相並云

由桑原氏之說觀之則漢族亦支那人種之一矣吾因此而溯漢族所從來則中土儒書咸謂其始於盤古而西書所記載復

有巴枯民族之稱巴枯盤古一音轉耳

古盤字讀若般故公輸般或作公輸盤般巴二

字之音尤近

蓋世界人種之開化皆始於帕米爾高原故漢族初興

亦大抵由西方遷入路史天皇紀云被迹無外無熱之陵說者

以無外即崑崙

路史注引遁甲開山圖云天皇出於桂州即無外也鄭康成云無外之山在崑崙東南萬二

千里水經注云或言即崑崙蓋帕米爾為崑崙最高之峯觀於此言可知中國民族之興當在帕米爾附近

而列子

穆傳所言皆切慕西方之美楚詞一篇至以崑崙為本土想像

驗之舊籍歷歷可稽又西籍所言謂華夏之稱始於花國

大抵謂崑

崙山下有雄大之邦曰花國漢族東遷時心醉其隆子孫遂以為名花與華同遂稱為華

又謂中土文明本

於迦耳底亞

日本史言之甚詳

語雖荒渺理適相符吾嘗謂漢族

初興本與歐洲同族及生息漸蕃不得不籌殖民之策一移西

北為高加索族之民一移東南為支那本部之民此中西舊籍

事跡所由多符與雖然漢族未入中國之前居支那本部者北

有獫狁

土耳其族

南有苗民而二族之中又以苗民為最盛苗民宅

居中國雖代遠難稽然大抵上古之朝黃河以南皆爲苗境宗

教刑律呂刑言苗民弗用靈制以刑一節言苗民之諸端先於

漢族及漢族披榛斬棘開創神州苗土遺黎悉淪賤族黎民之

稱由是興焉書經之黎民即秦人黔首之稱所本黎訓爲黑黎

爲漢族之民黎民爲異族之民猶之於九族百姓之外九族百姓

利安非亞利安人爲二級而以非亞利安人爲西達拉也況

古代部族遷徙無恆城郭未興宮室未設漢族日拓其土疆則

彼異族者蟄居山谷之間竄伏林篁之際銷聲匿跡以保生存

亦可哀矣要而論之漢族初入中國時猶之西班牙人入美洲

也異族之消滅猶之南洋島族被化於歐人也異族之遷徙猶

之蝦夷人種屏跡北海也至是而禹域河山遂悉舉而入於漢

族之掌握嗚呼吾祖宗創業之艱難豈可一日忘耶

第二章 漢族之擴張及與苗族之關係

由崑崙而東達中土者有二道一爲西藏高原危嶽峻峯崎嶇

天險一爲天山北路平原千里直達玉門而漢族之來中國也

避揚子江上流即西藏高原趨西北部之便利沿河流東下以擴張

勢力於東南而漢族與苗族之關係由是興矣

一漢苗雜處時代 太古之初榛榛狉狉逐水草而遷徙由漁

獵時代進而至游牧時代至伏羲崛起復由游牧時代進而至

土著時代蓋中國土地之廣甲於亞東上古之世耕稼未興河

北土疆荒大不治故漢族人民由西徂東殖民河濱與苗族雜

處觀伏羲生於成紀今甘肅鞏昌府都於陳今河南陳州府神農生長姜水今陝

西寶縣都於曲阜今山東兗州府由黃河之上游入中原之腹地大約漢

國時與西人初入南洋印度者同西人於亞洲各地設埠通商

以漸次擴充其勢力故伏羲之時猶之西人初至亞洲之時也

分別部居聚族而處蓋當東漸之初各戴其酋各君其君部落

之眾分合靡恆及侵奪頻興競爭日起併吞既劇版圖益恢而
漢族之勢力遂與苗族並熾矣

二漢族增勢時代 黃帝繼神農之位挾戰勝餘威經營宇內

時與苗族相戰爭蓋五帝以前苗族久爲漢族一大敵書言遏

絕苗民無使在下排斥苗族自昔已然黃帝遷徙往來以師兵

爲營衛涿鹿一戰蚩尤授首蚩尤苗族之長蓋苗族之俊傑也故黃帝除之苗族以戰

敗之民族棄固有之山河故漢族版圖直達江漢觀黃帝東至

於海西至崆峒今甘肅高台縣南登熊山在今河南陝州湘山在今湖南益陽北至釜

山今直隸宣化府征伐戰討未遑寧居而支那北部遂無復苗族之蹤

矣厥後少昊都曲阜顓頊都帝丘今河南陽縣帝嚳都亳今亳州合漢族

之羣力保黃帝之土疆開創難守成亦不易哉

三漢族南征時代 當唐堯之世疆域直達南交及北方罹洪

水之災未遑南顧而苗族遺民遂立國湘江流域史言高辛之時九黎離德

亦三苗也觀吳起言昔三苗之居左彭蠡右洞庭汶水在南衡山在

北則荆揚南境悉入苗疆及舜竄三苗於三危爲漢族統治苗

族之始而舜之疆域直達蒼梧然苗族之民卒未能屈服於漢族故舜禹之時復有苗民之逆命及禹平水土三危既宅三苗丕敘棄本有之特質從漢族之禮文即餘裔之在衡湘間者亦屏伏岩谷而莫能復振矣至是而黃炎之子孫遂分布於支那大陸奮發砥礪日進文明顧不盛哉此皆漢族與苗族之關係也然當黃帝之時復有戰勝北族之績即土耳其族史記言唐虞以上有山戎獫狁葷粥居於北蠻匈奴是北族之初處今直隸山西北鄙黃帝以征服苗民之威北逐獫狁而涿鹿之都安如磐石其功豈在擒蚩尤下哉故黃帝者漢族開基之祖也吾嘗求漢族擴張之由而知漢族遷徙之跡矣少昊以前之宅都由西東遷者也少昊以後之宅都由東西遷者也蓋中國地勢西高而東下少昊以後洪水之患已露萌芽東方地卑久罹水患故轉而西徙此宜注意者一自古之用武北勝於南伏羲以前漢